

ՈՒՍՈՒՑՄԱՆ ԾՐԱԳԻՐ

ՀՀ ՔՆՆՉԱԿԱՆ ԿՈՄԻՏԵԻ ՔՆՆԻՉՆԵՐԻ ՏԱՐԵԿԱՆ ՎԵՐԱՊԱՏՐԱՍՏՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ուսուցման ծրագիրը (այսուհետ՝ Ծրագիր) ներառում է 2016թ. ՀՀ քննչական կոմիտեի քննիչների (այսուհետ՝ քննիչների) վերապատրաստման ուսուցման ձևը, ժամաքանակը և ժամանակացույցը, ինչպես նաև դասավանդվող առարկայական կուրսերի համառոտ նկարագիրը:

2. Ծրագիրը մշակվել է ՀՀ քննչական կոմիտեի նախագահի 2016թ. փետրվարի 18-ի թիվ 5-Ա որոշման հիման վրա:

3. Ծրագիրը նպատակաուղղված է քննիչների մասնագիտական գիտելիքների և հմտությունների շարունակական կատարելագործմանը քրեական իրավունքի, քրեական դատավարության, քրեական գործերով ՄԻԵԴ նախադեպային իրավունքի, դատական փորձաքննությունների, ինչպես նաև դեպքի վայրի զննության տակտիկայի ոլորտներում:

4. Ծրագիրն իրականացվում է առկա ուսուցման ձևով: Վերապատրաստման ժամաքանակը ՀՀ քննչական կոմիտեի ղեկավար պաշտոն զբաղեցնող քննիչների¹ համար սահմանվում է 24 ակադեմիական ժամ, այլ քննիչների համար՝ 40 ակադեմիական ժամ: Ղեկավար պաշտոն զբաղեցնող քննիչների վերապատրաստումն իրականացվում է 3 աշխատանքային օրերի ընթացքում: Մյուս քննիչների վերապատրաստումն իրականացվում է 5 աշխատանքային օրերի ընթացքում:

5. Վերապատրաստումն առավելապես իրականացվում է դասավանդման ինտերակտիվ մեթոդներով:

6. Ղեկավար պաշտոն զբաղեցնող քննիչների վերապատրաստումն իրականացվում է 3, իսկ մյուս քննիչների վերապատրաստումը՝ 14 խմբերով՝ ապրիլից մինչև նոյեմբեր ամիսներին:

¹ ՀՀ քննչական կոմիտեի կենտրոնական մարմնի, զինվորական քննչական գլխավոր վարչության, Երևան քաղաքի քննչական վարչության, մարզային քննչական վարչությունների ստորաբաժանումների վարչությունների և բաժինների պետեր:

II. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՑԱՆԿ

1. ՀՀ քննչական կոմիտեի ղեկավար պաշտոն զբաղեցնող քննիչների վերապատրաստման դասընթացների մոդուլ

N	Դասիչ	Անվանում	Ժ/ք
1.	Q-040-16	ՀՀ քրեական իրավունքի արդի հարցերը	8
2.	Q-041-16	ՀՀ քրեական դատավարության արդի հարցերը	8
3.	Q-042-16	ՄԻԵԴ նախադեպային իրավունքի արդի հարցերը քրեական գործերով	8

2. ՀՀ քննչական կոմիտեի այլ քննիչների վերապատրաստման դասընթացների մոդուլ

N	Դասիչ	Անվանում	Ժ/ք
1.	Q-040-16	ՀՀ քրեական իրավունքի արդի հարցերը	10
2.	Q-041-16	ՀՀ քրեական դատավարության արդի հարցերը	10
3.	J-025-16	Դատական փորձաքննության արդի հարցերը	12
4.	J-016-16	Դեպքի վայրի զննության տակտիկան	8
5.	Q-043-16	Երեխաների թրաֆիքինգի և սեռական բռնությունների դեմ քրեաիրավական պայքարի արդի հարցերը	12

III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՀԱՄԱՌՈՏ ՆԿԱՐԱԳԻՐԸ

1. Q-040-16. ՀՀ քրեական իրավունքի արդի հարցերը

Դասընթացը պայմանավորված է քրեական իրավունքի ոլորտում իրականացված և իրականացվող բարեփոխումները, ինչպես նաև քրեական իրավունքի ոլորտում նոր իրավական դիրքորոշումները մատուցելու և դրանց կիրառման հմտությունները կատարելագործելու անհրաժեշտությամբ:

Դասընթացը ներառում է՝

- քրեական նոր օրենսգրքի նախագծի հայեցակարգով նախատեսված, ինչպես նաև ընթացիկ փուլում առաջացող այլ հիմնախնդիրների լուծման ոլորտում օրենսդրական և իրավակիրառ փորձի ներկայացումը, դրանց զարգացման միտումները և հեռանկարները,
- ՀՀ ստանձնած միջազգային պարտավորությունների բովանդակությունը (այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերը, դրանց կիրառման առանձնահատկությունները, ինչպես նաև «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքները, ինչպես նաև դրանց ներպետական օրենսդրությունում կիրառելիության և Կամընտիր արձանագրությամբ հասանելի դարձած ընթացակարգերի հարցերը),

- հանցավոր արարքների ճշգրիտ որակման հիմնահարցերը (այդ թվում՝ թմրամիջոցների ապօրինի շրջանառության վերաբերյալ հանցագործություններ, սեփականության դեմ ուղղված հանցագործություններ, տնտեսական գործունեության դեմ ուղղված հանցագործություններ, սեռական անձեռնմխելիության և ազատության դեմ ուղղված հանցագործությունների քննության առանձնահատկությունները, կիբեռհանցագործությունների քննության առանձնահատկությունները, խարդախության հանցակազմի առանձնահատկությունները, քննության տակտիկական և դրա սահմանազատումը քաղաքացաիրավական իրավահարաբերություններից, խուլիգանության հանցատեսակի առանձնահատկությունները), և դրանց լուծման ոլորտում օրենսդրական և իրավակիրառ փորձը:

Դասընթացը նախատեսված է բոլոր քննիչների համար:

2. Q-041-16. ՀՀ քրեական դատավարության արդի հարցերը

Դասընթացը անհրաժեշտ է քրեական դատավարության ոլորտում նոր իրավական զարգացումները, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները մատուցելու, դրանք գործնականում կիրառելու, ինչպես նաև քննչական գործողությունների կատարման կարգի պահպանման կարողությունների կատարելագործման համար:

Դասընթացը ներառում է՝

- ՀՀ քրեական դատավարության ոլորտում նոր օրենսդրությունը,
- ՀՀ քրեական դատավարության մինչդատական վարույթին վերաբերող առանձին ինստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնահարցերը,
- ՀՀ մասնակցությամբ միջազգային պայմանագրերի կիրառման գործնական հարցերը, այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերի կիրառման առանձնահատկությունները,
- քննչական գործողությունների կատարման ընթացքում ծագող գործնական հիմնահարցերը և նախաքննության ընթացքում քննիչների կողմից թույլ տրվող խախտումները,
- առանձին քննչական գործողությունների կատարման դատավարական և քրեագիտական առանձնահատկությունները,
- նախաքննության ընթացքում կայացվող որոշումների և քննչական գործողությունների արձանագրությունների կազմման առանձնահատկությունները,
- ապացույցների և ապացուցման գործընթացի խնդիրները, օպերատիվ-հետախուզական գործունեության արդյունքներն ապացուցման գործընթացում օգտագործելու իրավական կարգավորման խնդիրները,
- պետական, նոտարական և բանկային գաղտնիք պարունակող տեղեկություններ ստանալու դատավարական կարգը,
- մասնավոր մեղադրանքի գործերով քննության առանձնահատկությունները,
- դատավարական հարկադրանքի միջոցները և դրանց ուսումնասիրությունը:

Դասընթացը նախատեսված է բոլոր քննիչների համար:

3. Q-042-16. ՄԻԵԴ նախադեպային իրավունքի արդի հարցերը քրեական գործերով

Դասընթացն անհրաժեշտ է ՄԻԵԴ նոր իրավական դիրքորոշումների վերաբերյալ գիտելիքները և դրանց կիրառման հմտությունները կատարելագործելու համար:

Դասընթացը ներառում է՝ քրեական իրավունքի և դատավարության ոլորտում Եվրոպական կոնվեցիայով երաշխավորված իրավունքների պաշտպանության վերաբերյալ ՄԻԵԴ արդի նախադեպային իրավունքը և ՀՀ նկատմամբ դրա կիրառման հարցերը, այդ թվում՝

- անձի ազատության և անձեռնմխելիության իրավունքը,
- մասնավոր կյանքի անձեռնմխելիության իրավունքը,
- ողջամիտ ժամկետում գործերի քննությունը,
- <<հիմնավոր կասկած>> հասկացությունն ըստ ՄԻԵԴ նախադեպային իրավունքի,
- անթույլատրելի ապացույցների օգտագործման արգելքը:

Դասընթացը նախատեսված է ղեկավար պաշտոն չբաղեցնող քննիչների համար:

4. Q-041-16. ՀՀ քրեական իրավունքի արդի հարցերը

Առարկայական կուրսի համառոտ նկարագիրը տես 1-ին կետի ներքո:

5. Q-042-16. ՀՀ քրեական դատավարության արդի հարցերը

Առարկայական կուրսի համառոտ նկարագիրը տես 2-րդ կետի ներքո:

6. J-025-16. Դատական փորձաքննության արդի հարցերը

Դասընթացը պայմանավորված է փորձաքննությունների վերաբերյալ գիտելիքների ծավալի ընդլայնման, համարժեք եւ արդյունավետ փորձաքննությունների նշանակման կարողությունների ձեւավորման անհրաժեշտությամբ:

Դասընթացը ներառում է քրեական վարույթներում փորձաքննությունների (դատաբժշկական, դատահոգեբանական, նյութագիտական, դատաձեռագրաբանական, դատաձգաբանական և այլ) նշանակման հիմքերի, կարգի, բովանդակության, փորձաքննությունների կատարման եւ արդյունքների գնահատման վերաբերյալ հիմնահարցերը (Օրինակ՝ փորձաքննությունները դատական հոգեբանության, դատական հոգեբուժության ոլորտներում, մասնավորապես՝ աֆեկտ, հոգեկան խիստ հուզմունք, անմեղունակություն, սահմանափակ մեղսունակություն):

Դասընթացը նախատեսված է ղեկավար պաշտոն չզբաղեցնող քննիչների համար և այլընտրանքային է Q-043-16 դասընթացի համար:

7. J-016-15. Դեպքի վայրի զննության տակտիկան

Դասընթացը պայմանավորված է դեպքի վայրի զննության քննչական գործողության կատարման կարողությունների կատարելագործման անհրաժեշտությամբ:

Դասընթացը ներառում է դեպքի վայրի զննության կատարման գործնական հարցերը, ըստ հանցագործության տեսակների և հանգամանքների դեպքի վայրի զննության առանձնահատկությունները:

Դասընթացը նախատեսված է ղեկավար պաշտոն չգրադեցնող քննիչների համար:

8. Q-043-16. Երեխաների թրաֆիքինգի և սեռական բռնությունների դեմ քրեաիրավական պայքարի արդի հարցերը

Դասընթացը պայմանավորված է երեխաների թրաֆիքինգի և սեռական բռնության վերաբերյալ գործերով նախաքննության կարողությունների կատարելագործման անհրաժեշտությամբ:

Դասընթացը ներառում է երեխայի թրաֆիքինգի, սեռական ազատության ու անձեռնմխելիության դեմ ուղղված հանցագործությունների քրեաիրավական բնութագիրը, որակման հիմնահարցերը, թրաֆիքինգի կամ սեռական բռնության ենթարկված անչափահաս տուժողների մասնակցությամբ քրեական վարույթի հիմնախնդիրները, ինչպես նաև անչափահաս տուժողներից տեղեկություններ ստանալու հոգեբանական առանձնահատկությունները:

Դասընթացը նախատեսված է ղեկավար պաշտոն չգրադեցնող քննիչների համար և այլընտրանքային է J-025-16 դասընթացի համար: